

CICIKOANBADIEGU

BULICINA FASO
Taanyenma - Findima - Teginma

GUVENEMA MASOAGINDO

BAALO KOANBALA TAANLI
JAGA DOAGIDIMA
(PP-G/TRANS N°021-2024)

Rimaliba Jan Emanuweli WEDARAWOGO

Li binli 2024 ciluoba o dana 26 Wagadugu pó

Baalo Koanbala Taanli den kali Wagadugu
nani ban maani ki tiedi maama dana lele kuli,
alaalibu daali, li binli 2024 ciluoba o dana 26,
ki cili leeri 9 yogunu ki ban gbeni leeri 11 leni miniti 45.
Kapitenni Ibarayimi TARAWARE, yua n tie ti Diema
Yudanciamo leni a Koanbala Taanli Liigiyua n den
gobidi laa taanli.

A Koanbala Taanli den noanli li daali mayula nni
ki taa a jaga, ki puni i laabaali,
ki dini bi niba a bala li tuonli po, ki puni u sanu
bi niba n gedi dietoama nni ti Diema yeli po.

.

L. A JAGA

I.1. YAA KOANBADIEGU N DIIDI TI DIEMA LOAGU, I LIGI LENI A TUONBOGINKAANA

A Koanbala Taanli tuo **tiwaankaanata (03)** :

Li tiwaankakpiali tuugi leni yaa balimabonginkaama n waani ke bi tuo yaa jaga ke Bulicina Faso leni Isilami (a moala) findima banko (BIDI) den taani ki ñii li binli 2024, citaa ŋmaalo, o 16 daali Bobo leni Banfora ki taa ki pundi Kodivuuri tinga cilima leni Banfora leni Orodara siiga yaa sani ŋanbima (lan tie PEREBO) ligi baama po.

Isilami findima banko (BIDI) n baa teni lipanli yaa ligi tie miliadi piiniinbiyia n miliyon tudakobilele n piilele n bonbinaa n piimuu tudamuu n kuumunaa (**k 89 774 055 004**) **Sefa ligi nni**. PEREBO tuona **ligi taanma** kuli pundi miliadi kobiga n piimuu n bilie n miliyon kobilele n piitaa n bimuu n tuda kobiga n piilie n tuda luoba n kobilele n piiluoba n kuyenga (**k 152 735 126 761**).

Bulicina diema n baa ñani yaa ligi laa tuontaali po pundi miliadi bonbilie n tudakobiga n piiluoba n tudalele n kobitaa n piiluoba leni falini bonbitaa (**k 2 000 167 360,3**) **Sefa ligi nni** ki ji pugini Afirika findima banko (BADE) leni Isilami findima Banko (BIDE) yaa ligi todike.

Laa sani ŋanbima baa fidi ki fiini u kpendu laa resioni nni ki teni u loagu ŋantaadi n yaa koa ke bu bukpaabu, i tiidi leni li yanwubili n mali yaala kuli kpendu moko n faala. Li go baa teni ti mààsuadi buoli moko n fidi ki suagi leni ti yi ke u taayenamu moko pugida laa resioni nni leni resioni toba siiga.

A Koanbala Taanli tuo laa tuontaali maboginkaama n pundi Depiteenba kaanu kani.

Li tiwaankalieli tuugi leni doandiluoba (**06**) Baalo n kubi yaadi ki pa i ligi o saliwudo tuona po yaa sanbila ŋoadima.

Li pundi koanbadieditaa **(03)** leni tuonsoanditoadi ke Baalo pa i ligi ban ye yaa doandi nni po.

Laa tiwaankaali tuoma baa teni Baalo n baa ki yaa pa ti doanluobidi (06) yeni ligi nani lan bili maama o saliwudo tuona po.

Li tiwaankataali tuugi leni ban den bogini yaa balimaama li binli 2023 leni yaa mataacaga n yegi leni laa balimaaboginkaama njoadima sanbila.

Laa balimaaboginkaama waani Baalo ligi li binli 2023 n den njoadi maama.

Laa ligi cenli fuuli den yegi leni li nandunli nni n pia yaa yanyangidi leni i ligi baama sanbila juagima kelima li bonkuadikaala dunpaagi po. Ama baa leni lankuli, li nandunli loagu tuonli li binli 2023 nni den sedi ke li pa hali ke u loagu tuona n kuandi yaa ligi den pundi **3,1%** ki sua 2022 yaa binli li den tie **3,5%**.

Mi diema nni, Baalo ligi tuona 2023 binli den kali leni mi yanduanma poadima yanyagidi leni mi diema tingbangu koani gaama a niali. U loagu tuona n kuani yaa ligi den pugini ke li pundi **3,6%** ki sua 2022 binli li den tie **1,8%**. Laa puginma den nani mi tagima leni u nuu banma tuontaana findima kani yaala n pundi **10,7%**. Li bondaakaala dungi den pugini waamu ke li njoadi leni ti tiakuadikaadi ligi puginma yaali n pundi **0,7%** 2023 binli po, ki sua li den tie **14,1%** 2022 yaa binli nni. Li bonkuadikaala dungi wadicianma yegi leni li « bonjekaala dunga wadima yaa daama n ki pia daliali tagima po ».

Lankuli taanma teni ke mi yema li nanduli nni leni ti diema nni den gagidi ki pa.

Ama baa yeni, Baalo ligi tuona sanbila li binli 2023 po tie yaala n nani ke li njoadi leni i ligi kuama sanbila moandili leni mi diema nantaadi ligi nana cuodaginma nani Guvelineeli n den bili maama.

A Koanbala Taanli tuo ke laa balimaaboginkaama n pundi Depiteenba kaanu kani.

I.2. YAA KOANBADIEGU N DIIDI MI TAGIMA TUONSOANDIEDI FINDIMA, U KPENDU TUONA

A Koanbala Taanli taa jagiyenli ke li tuugi leni Baalo leni boncelidanba juogu taanli kaanma, li boginma, yuakuli leni o tuonli gagidima leni lan pundi ke yaa niba bianu n yen taani ki kali laa jougu leni laa taanli n bàà yen cuoni maama (SESE-PEPE).

Laa jagili tie ke ban guani ki diidi ban den taa yaa jagili li binli 2018, cipiiga o 15 daali ke li lanba tie n°2018-0925/PM/MICA/MINEFID/MATD ke li tuugi leni Baalo leni boncelidanba juogu taanli kaanma, li boginma, yuakuli leni o tuonli gagidima leni lan pundi ke yaa niba bianu n yen taani ki kali laa jougu leni laa taanli n bàà yen cuoni maama (KODESEPE).

Yaa jagili n tiena taama lebidi li cicijagili n den ñani yaa yeli (KODESEPE) Baalo leni boncelidanba juogu taanli ki teni ke li yi SESE-PEPE.

Baalo leni boncelidanba juogu taanli sugini ki kaani yogunu n kuli u juogu Baalo leni pia o bonlinba tuoncaga siiga.

SESE-PEPE yeni pia taanbuolita (03) nani:

- Baalo leni boncelidanba taanjuogikaana resiyonninba n ni (SERE-PEPE);
- Baalo leni boncelidanba caga taanjuogikaana (SESE-PEPE);
- Gufelineeli leni mi diema boncelidanba taanli (RESESEPE).

Laa jagili taama baa teni ban kaani Baalo leni boncelidanba jougu taanli lan teni u taajuogu n yaa ye yogunu n kuli Baalo leni boncelidanba siiga.

II. I LAABAALITENKE

II.1. Yaa Koanbali n diidi mi tagima tuonsoandiedi findima, u kpendu tuona leni u nuu tuonsoanbanma puni a Koanbala Taanli **yaa laabaalu** n tuugi leni Baalo tuosoancaga taancianli (ASE-SE) mi piitaanfiligiliema (32) po, ke li baa cili li binli 2024, ciluoba o 27 daali ki ban juodi o 28 daali Waguadugu kani.

Laa taancianli mi piitaanfiligiliema (32) po, Baalo tuonsoancaga 19 leni Baalo tuonsoandiedi 03 yaadi n diidi o nisaalo yema namu (EPEPESE) n baa taani ki doagidi bi ligi sanbila n njoadi maama leni bi tuona gobidima tiwaankana 2023 binli juodima yogunu, piigancilie, o 31 daali.

Baalo tuonsoancagiyenli yaali n cili li tuona li binli 2023 n kodi nmaalita ki juodi yaa yogugunu, baa doagidi lin fidi ki soani yaa tuona. Baalo tuonsoancagitaada (03) yaa n cili a tuona 2024 binli nna moko baa kali ki diidi li taancianli yenli n baa cuoni maama.

II.2. Yaa koanbali n diidi a cogibigbenga cogu leni mi bancanma linginma puni a Koanbala Taanli i laabaali boncianla ke **laabaalu yendu** tuugi leni mi diema cogidiegbenga maasuagu jeliti buoli danalele po badu bongima yuu n baa cili li binli 2024, ciluoba 23 daali ki taa pundi o dan 30 daali, Tenkudigu dogu nni.

Bulicina cogidiegbenga maasuagu jeliti buoli danalele po badu bongima tie yaa tuonli n baa tandi ku maasuagu jeliti buoli a cogidiegbenga nni ki go tie yaa kaanciamu ke a cogibigbenga baa doagidi ban bani yaala ti jeli buoli nni leni ku maasuagu nni.

Dunla 2024 binli maasuagu jeliti a cogidiegbenga nni badu mayuli tie: ***“U gbannansaagu leni ku maasuagu a cogidiegbenga nni tie jatiagu yaagu n koani leni doroki, o tabibiado ñuma leni u paalu tuada »***

Cogigbenga 1 065 yaaba n ñani cogidiegbenga 29 nni n baa tuogi leni biyaba gbannansaajeliti buolimuu nni leni ku maasuagu tuona buoli 16 nni.

II.3. Yaa Koanbali n diidi ku gbanansaagu jeliti tuona, leni bi nipanba leni a tuona maama puni a Koanbala Taanli **yaa laabaalu** n tuugi leni li biakudili banma tili baama boginma (OPESE) dunli 2024 binli po.

Li tie yaala n baa gobidi binipanba yema cenli ŋamu, ki pugini bi banma yaala n baa luodi bi po i sani li sancenli tuona baama po.

Dunla yaa biakuditili banma bangima po nua nipanba 1 306 yaaba yaa bina n pundi bina 18 ki taa ki gedi bina 35, porovensi 45 nni. Porovensi kuli pia wan baa bàà yaa ni panba bianu ke yaa nipanba n ñani a koajaana nni mi yebiadima po mo baa yendi kaani 50.

Li biakudili banma bangima badu 2024 binli po baa tieni ciluoba, o 28 daali.

II.4. Yaa Koanbali n die ti tiadi tugima leni bi niba sancenli i dogi nni leni i sani nni ŋamu puni a Koanbala Taanli **yaa laabaalu** n tuugi leni yaa cagigili n diidi i biakaabi guunli leni bi cenli Afirika leni Madagasikaari tingbangu nni (ASEKINA) Koanbala taanli ke li baa cili li binli 2024, cilele, o 22 daali ki ban juodi o 26 daali Wagadugu kani.

A Koanbala cagili Taanli yeni n tie ASEKINA gobidima cagicianli yaali n taani ASEKINA politiko jaga ki diidi ASEKINA n pia yaa nunlema tuona sanbila tienma.

Laa taanli mayuli tie ki diidi ki le ASEKINA n cuoni maama, ki laa yaa ligi n koa li cagili yeni tuona yaa dagidi ki go la ban baa tagini yaa sanbila kani i ligi n yaa koa yaa bina n kpendi po. A Koanbala taanli puoli, Bulicina Faso n baa tugi li cagili yeni yuli binli po.

ASEKINA tie li ɲandunli nni saliwudo tuonsoandiegu yaagu n puuni ki go guu i biakaabi yugima tuona piigandiema yia (19) yaama n ye laa cagili nni nani Bulicina Faso yeni tanpofaanma nni.

III. YAABA N BAA A BALA

III.1. BAN DINI YAABA A BALA TUONCELI PO

A. YAA KOANBADIEGU N DIIDI TI DIEMA LOAGU, I LIGI LENI A TUONBOGINKAANA

- Buleema **SAMANDULGU**, o lanba li tuonli nni tie **294 320 W**, o tie Baalo ligidiegu canbaa, bi dini o li bali ke o tua ligikubili yudaano ban yi yaa tuonsoanjaali **ABENORIMI** ;
- Beñeni Hugi **DABIRE**, o lanba li tuonli nni tie **245 212 G**, o tie Baalo ligidiegu canbaa, bi dini o li bali ke o tua ligikubili yudaano ban yi yaa tuonsoanjaali **SENESI** ;
- Gayitan **BANBARA**, o lanba li tuonli nni tie **345 083 U**, o tie baalo ligituonsoandiedi tuonsoanlo, bi dini o li bali ke o tua ligikubili yudaano Dedugu cogibigbenga cogidieciangu kani;
- Lawopan Baritelemi **PARE**, o lanba li tuonli nni tie **208 072 U**, o tie Baalo ligi tuonsoandiedi tuona bando, bi dini o li bali ke o tua ligikubili yudaano yaa tuonsoandiegu n kubi u loagu leni bi niba yema findima ligi bulicina nni .

B. YAA KOANBADIEGU N DIIDI BU KPAABU LENI LI YANWUBILI TUONA

- Amidu **SUABO**, o lanba li tuonli nni tie **40 712 K**, o tie u cogu saliwuudi diedi ligikubilo, bi dini o li bali ke o tua laa koanbadiegu tuona goandikoa, o lebidi ki gaa Kunbu **DIBOLONI** kaanu.

**C. YAA KOANBADIEGU N DIIDI TORIYABA, MI NIÑINGBADIMA,
U TAAYIENU LENI U DIEGU YEMA TUONA**

- **DONBA** pua Salimata **KONONBO**, o lanba li tuonli nni tie **108 582 V**, o tie laa koanbadiegu tuonsoanlo, bi dini o li bali ke o tua li koanbali tundikoa;
- Yeri **KANBU**, o lanba li tuonli nni tie **53 478 U**, o tie a biñinda canbaanba gobidikoa, bi dini o li bali ke o tua laa koanbadiegu tuona goandikoa;
- EmE **SONBIRE**, o lanba li tuonli nni tie **32 498 N**, o tie laa koanbadiegu tuonsoanlo, bi dini o li bali ke o tua laa koanbadiegu tuona goandikoa;
- Asane **KINDO**, o lanba li tuonli nni tie **343 667 W**, o tie bi niba gobidima bando, bi dini o li bali ke o tua laa koanbadiegu tuonsoanba cogidiegu tuonsoanba gobidikoa;
- Wendi-Pañagida Rolan Omeri Tieri **KELEMI**, o lanba li tuonli nni tie **53 519 N**, o tie a biñinda canbaanba gobidikoa, bi dini o li bali ke o tua laa koanbadiegu tuonsoanba Yudaano Santiri Wesiti desiyon.

**D. YAA KOANBADIEGU N DIIDI LAAFIA LENI I KAANI NANGU
TUONA**

- Liliani Mari Alini **GUNABU**, o lanba li tuonli nni tie **117 184 C**, o tie i lotoliñoagi bandiciamo, bi dini o li bali ke o tua li koanbali tuona gobidikoa;
- Arisuma **WEDARAWOGO**, o lanba li tuonli nni tie **46 932 T**, lotociamo, bi dini o li bali ke o tua li koanbali todikoa;
- Mahamadi **TASENBEDO**, o lanba li tuonli nni tie **118 892 W**, lotociamo, bi dini o li bali ke o tua li laafiali tundi tuona findima yudaano;
- Sitefanni **SAGIRE**, o lanba li tuonli nni tie **85 772 B**, o tie ti lototuongsoandiedi gobidima bando, bi dini o li bali ke o tua Dori Lotodieciangu canbaa;

- Karimi **BARO**, o lanba li tuonli nni tie **333 723 R**, o tie lotociamo, bi dini o li bali ke o tua Gawa Lotodieciangu canbaa ;
- Sibiri Kirisian **KABORE**, o lanba li tuonli nni tie **000 204 A**, o tie mi kuadima bando, bi dini o li bali ke o tua a tila dianma yudaano yaa tuonjaali n faami ti laafialo po li bonjekaala nni, ti gaanilindima nni leni i ñoagidi nni kani;
- Vinsan **NEBIE**, o lanba li tuonli nni tie **115 919 F**, o tie ti lototuoonsoandiedi gobidima bando, bi dini o li bali ke o tua li ligikubili tuona yudaano a bila lotodieciangu Sarili Degoli kani;
- Kileman **ILIBUDO**, o lanba li tuonli nni tie **51 314 R**, o tie ti lototuoonsoandiedi gobidima bando, bi dini o li bali ke o tua li ligikubili tuona yudaano yaa tuonjaali n gobidi i lotoñoagi ligi kani ;
- Tarapisida **SONGO**, o lanba li tuonli nni tie **47 199 X**, o tie ti lototuoonsoandiedi gobidima bando, bi dini o li bali ke o tua li ligikubili tuona yudaano Bogodogo lotodieciangu kani;
- Hiberi **BAYALA**, o lanba li tuonli nni tie **55 902 A**, o tie ti lototuoonsoandiedi gobidima bando, bi dini o li bali ke o tua li ligikubili tuona yudaano Yaligado WEDARAWOGO lotodieciangu kani;
- Sitiyimian Ediwisi **SUNGARANA**, o lanba li tuonli nni tie **230 706 P**, o tie ti lototuoonsoandiedi gobidima bando, bi dini o li bali ke o tua li ligikubili tuona yudaano ti diema tuonsoandiegu yaagu n die mi soama lebidima tuona kani ;
- Bileesi **WEDARAWOGO**, o lanba li tuonli nni tie **303 832 E**, o tie ti lototuoonsoandiedi gobidima bando, bi dini o li bali ke o tua li ligikubili tuona yudaano Wayiguya lotodieciangu kani.

III.2. YAABA N BAA A BALA A TUONJAANA YELI PO

Li taanli ɲoadi leni li badinli a tuonjaana yela po :

- bi niba guunli cogidiecianli (ISEPISE) kani yaa koanbadiegu n diidi ti diema tinbuona, komininba gobidima tuona leni li guunli yeli po;
- Bulicina tuonsoanjaali bu kpaabu tiabidi leni li tuonsoantiadi (SOBIMAPI) kani yaa koanbadiegu n diidi bu kpaabu leni li yanwubili tuona yeli po.

**A. YAA KOANBADIEGU N DIIDI TI DIEMA TINBUONA,
KOMININBA GOBIDIMA TUONA LENI LI GUUNLI**

Li Taanli tuo yaa **jagili** n dini li bali Siiri Asiisi **SANGARE**, o tie minteeligbengili, ke wan tua baalo tondo ki kua bi niba guunli cogidiecianli (ISEPISE) tuona gobidikaaba cagili nni yaa koanbadiegu n die ti diema guudima tuona leni a minteelikpela maama yeli po binataa (03) siiga, o lebidi Iivi-Patriki WEDARAWOGO.

**B. YAA KOANBADIEGU N DIIDI BU KPAABU LENI LI
YANWUBILI TUONA**

Li Taanli dini li bali yaa niba n nua ne, ke ban tua baalo tonda ki kua Bulicina tuonsoanjaali bu kpaabu tiabidi leni li tuonsoantiadi (SOBIMAPI) tuona gobidikaaba cagili li bakpiali po binataa (03) siiga.

Yaa koanbadiegu n diidi mi tagima tuonsoandiedi findima, u kpendu tuona leni u nuu tuonsoanbanma:

- Inusa **SAWADOGO**, o lanba li tuonli nni tie **117 065 V**, o tie u loagu tuona tundikoa.

Yaa koanbadiegu n diidi ti diema tinbuona, komininba gobidima tuona leni li guunli :

- Hikoti **ÑUMU**, o lanba li tuonli nni tie **130 465 B**, o tie juju (bujialo).

Yaa koanbadiegu n diidi ti diema loagu, i ligi leni a tuonboginkaana:

- Noweli Jan Romialidi Somasu **BASINGA**, o lanba li tuonli nni tie **91 663 N**, o tie baalo luba gaama bando.



www.sig.gov.bf

Guvenema Masoagindo

Le Porte-parole du Gouvernement,



Rimalba Jean Emmanuel OUEDRAOGO

Officier de l'Ordre de l'Étalon

Rimaliba Jan Emanuweli WEDARAWOGO

O baa Baalo jaandi leni Tanjoa maalima